

憨山老人夢遊集

憨山老人夢遊集卷二十四

侍者福善日錄

門人通炯編輯

嶺南弟子劉起相重校

疏

五臺山造沉香文殊菩薩像疏

伏以清涼勝境爲萬聖之道場大智文殊乃七佛之師表迹垂震旦道化娑婆作衆生之福田開人天之眼目皈依者福等恆沙禮讚者德超塵劫況復鏤形範像布施莊嚴者哉山僧某濫叨形服奉託靈山居中臺之極嶺開十方之梵刹感大士之威光裂多生之業網由是發心願造沉香菩薩一軀請置本山供

養壽來南粵時歷三秋弔影南遊途經萬里愧福輕
而緣薄且事重而人微在丹因循向無寸効今日奉
逢南粵之勝會仗六祖之慈光攝四衆之高人結十
方之善果伏願貴官長者達士名流頓開智眼剖破
慳囊捨心香一寸而價重三千嚴法身一毛而福延
萬劫儻三十二相而多人共成則百千億身而一時
頓現如是則人人盡歸金色界個個同變般若香功
德難思福緣無量謹疏

廣城西小福園募齋糧疏

切以出塵離俗不妨迹繫人間俗假修真自信心超

世表但以五行現在四事應須無能感動天人必欲
仰資檀越山僧某挂錫五羊城外藏修小福園中六
時禮誦刻白社之蓮萼三業精勤揭青林之貝葉惟
以杜緣日久時值歲凶貴賤同災賢愚一効閉門連
日獨看瓦釜生塵兀坐經旬誰問香廚絕粒既難分
衛未免循方是以不憚千里辛勤普化十方長者幸
生歡喜大破慳貪卽一粒而至百千萬粒共積須彌
以一人而引百千萬人徑歸寶所卽搏食而爲法食
功德難量變熱惱而作清涼福田無盡金剛種子普
布人天般若舟航齊登彼岸逆來順受虛往實回若

能滿載而歸不負望風而至勝緣儻遇嘉會不常願
隨發心諒無虛棄謹疏

造旃檀香佛疏

伏以法身非相托有相以明心妙行無爲在卽爲而
見諦苟非藉假修真何以轉凡成聖惟我如來應世
道化無方捨己從人隨緣利物建言靈鷲開優益之
名等遺範閻浮刻旃檀之瑞像遂使見聞瞻仰同出
迷途禮念歸依共登寶所爰自金光東曜白馬西來
覩像教以興心用莊嚴而表法所以琳宮徧支那之
境紺像滿祇樹之園尊崇者自天子以至庶人悟道

者若王公及乎群彙靡不布金殷重割愛投誠修行
八萬四千門作福第一南朝四百八十寺靈隱居先
山從西竺飛來遠向洞中呼出境同兜率勝出人寰
山僧某蚤離塵俗託迹名山樂蘭若之清修志頭陀
之苦行但以根機下劣未副上乘仰蓮社之高風效
優填之故事敬刻旃檀香像安供菩提道場俗以熏
修依爲淨業像高尺六表丈六之法身普化十方植
三祇之佛種狀雖人人卽佛須見佛而發心縱使個
個有緣必遇緣而成就山僧不辭萬里遠至五羊跋
涉艱難辛勤勞頓顧茲南粵嶺表名區奇珍畢集乃

商賈之稠林，山水鬱盤，實文章之淵藪。況此殊勝功德，計所費不多，豈無英靈豪傑脫體承當？定遇勇猛丈夫，全身擔荷，由一人而勸十人，百人衆輕易舉從，一分而至百分，千分聚少成多。雖因一佛以化多人，多人各成一佛，伏願貴官長者達士高流，共生歡喜，各發誠心，直須打破慳囊，勿使當面錯過。捨身外之浮雲，作自心之真佛，但能一念宥迴，光返炤，優見四八妙相，端嚴優曇，再現三千菩提果頓，超曠劫功，非虛設福，不唐捐，惟浚信不疑，徑登寶所。

修南華寺祖塏疏

佛土莊嚴雖是人天善果淨土布施卽爲般若根基
若非推果尋因須要求田下種但看目苒世事豈有
我作他收何勞分外馳求定是自修已得千年田地
曾言八百主人三寸氣消始恨一生空過何如六祖
真身直至而今未壞十方常住應知歷劫不磨香燵
塞漢顯自性之光明寶璫凌空現唯心之淨土但以
煙雲幻化誰保精色窮年風雨摧殘頓見柱根破敗
若不乘時急救誠恐異日難支苟能革故鼎新便見
轉凡成聖切念功非一力假衆力以合成事屬多人
種各人之福果一甃片瓦皆爲最上良因粒米文錢

盡是菩提種子、只願隨心元無定法、儻有勇猛丈夫、亦任一肩擔荷、將小就大、接短補長、同成一味醍醐、圓滿十方海會、便見七層妙塔、涌現在於空中、多寶全身入禪、定於座上、人天歡喜、鬼神欽崇、祝一聖壽、以無疆鎮一皇圖、巧億載頓使西來祖意、重拈出於天南、東粵宗風、再闡揚於嶺表、優曇華現於三千金剛、種培於百億功勛、莫算福利何窮、願智者早發誠心、冀功果速完當下、敬持短疏、普告十方、儻遇有緣、請顯芳姓。

重修曹溪祖庭殿坐疏

伏呂如來出世從兜率而降王宮法運開基自竺乾
而來等夏菩提樹下爲成道之場祇陀林中乃說法
之所黃金布地開檀度之門白馬馱經關昏衢之路
開三寶之良謨設一乘之軌範雖云極則猶在半途
既乎跋提示滅化緣將終乃偃建立之旂翻擊塗毒
之鼓驀爾拈筌發揮要道直指當人之覲體頓見自
心播揚向上之家風發明本性禪道由此興焉佛法
因茲備矣西天四七般若之道大通東土二三達磨
之宗始著自嵩少以濬源至嶺南而行派從此道被
寰區化霑海寓者皆我曹溪六祖大鑑禪師之力也

恭惟禪師德秉生知道光肯聖遠自跋陁懸識菩提
樹植於宋朝智藥尋流寶林山開弓梁代曹叔良效
布金之遺事梵刹聿興陳亞仙捨坐具之福田叢林
大振由是天王降紫泥之詔光昱林泉名儒施彩筆
之文翰垂竹帛等夷瞻觀史之天龍象蹴經行之路
偉哉勝事駕曠劫之津梁壯矣唯模立萬季之香火
真天下之奇觀寶寰中之勝概也自爾慧燈高焰破
永夜之重昏法鼓長鳴醒群生之大夢從來皈依如
市崇祀若神歷代相沿千秋一日奈何盛衰有數興
廢由人法化寢微道緣漸墜僧徒遭魔障以壞清修

殿宇被風雨而隳壯麗柱根腐敗梁棟摧斜慨將傾
之大廈殊非一木所能支嗟未合之良緣必假多人
而可就寺僧某等生叨盛世早入空門託迹名山忝
承末裔朝參夕禮奉真像於當年暮鼓晨鐘繼香火
於晚歲真觀生龍白爲風氣宛狀悲此破瓦敗椽殿
坐頽毀使大士飲煙嵐之瘴癘如來披霖露之衣裳
山色靄清淨之身鳥語說無窮之偈青蘚徧長廊豈
是莊嚴佛土蒼鼠竄古瓦難云極樂道場境雖觸事
而真人乃卽真而俗若不亟其乘屋將恐俛爾傾湫
苟能革故鼎新便見轉凡成聖是以發弘誓願運廣

大心特重開寶地新佛日於中天冀再轉法輪駕慈
航於苦海是以謹擇二十六季十月望日先啓等嚴
勝會選戒僧五十三人坐千日之長期次化當代名
公修殿坐一十二座祝萬季之一聖壽使處處盡是
道場願人人盡成佛果竊念非常之事須待非常之
人希世之功必有希世之哲是以敬持短疏徧告大
檀同修清淨之因共結菩提之果但以法無定相弘
之由人財不拘多施之杜已嘗聞一滴之水與渤解
之潤性無差芥孔之空與太虛之容納匪別離相者
福報難思滯迹者功德不廣儻歡喜發心頓見一毫

端頭現寶王刹若聲欬彈指卽能一微塵裏轉大法
輪如是則使瞽溪涸而復漲慧燈暗而又明優曇華
現亏三千般若種培於百億寶林倍價於當季鷲嶺
重新於此日贊助者福壽等於高溪護持者功惠同
於帶礪布皇風於八表灑甘露於十方見聞隨喜齊
登仁壽之鄉禮念歸依共到菩提之岫願心旣廣福
惠無邊仰望仁慈同聲唱和謹疏

修瞽溪五代祖師影坐疏

南粵禪寺寶林道場六祖真身現在逢磨衣盃儼存
由二祖以至黃梅五代之傳至此自唐以至亏今日

一派之水隨流爰立五祖之坐用表授受之緒茲者
季歲旣久苦被風雨摧殘月化日遷頓見柱根腐敗
若不乘時亟救誠恐異日難支苟能革故鼎新便見
煥狀奪目莊嚴樓閣涌現在于目前五祖全身入禪
定亏座上人天懽喜鬼神欽崇祝卍聖壽以無疆鎮
卍皇圖于永固功勛莫算福利何窮願智者蚤發誠
心冀功果速完當下

書琴嚴經接待十方疏

不動一步而心徧十方謂之坐叅不起滅定而現諸
威儀名爲妙行是在當人自信不須向外馳求恭登

粵巖大經乃毘盧根本之法輪曹溪古刹爲六祖禪宗之正脈法界是衆聖之玄都叢林作十方之歸宿自古及今雲水高流禮祖而至者無時不有終季竟歲飲食安居因人而施者一向全無顧我老朽自到茲山最初以此爲念亏山門外立十方坐一座敢以接納四來其飲食所需皆出禪坐常住奈何一向執事不得其人混集庸流翻成穢土不唯有負初心抑且虛消信施茲者弟子明中發廣大心修普賢行願就本堂安居書寫粵巖尊經一部俗此法恩收攝身心卽以接待十方賢聖老朽聳之讚歎歡喜而謂之

曰。管善財童子。參五十三諸善知識。猶歷百城。今子不離跬步。而普禮十方世界諸來賢聖。可謂最勝功。惠何幸。生此末法。住如是道場。書如是大法。修如是妙行。積如是勝因。可謂將此身心奉塵刹。是則名爲報佛恩矣。所願見聞隨喜者。福等恒沙。贊助稱揚者。功超曠劫。何況施七寶。而作莊嚴。列四事。而爲供養者。其福又不可得而思議矣。

高州電白縣苦藤嶺建施茶菴疏

伏以人天路上。全憑作福爲先生。灰途中。唯以溷人第一。嘗聞侯門似海。獨愛富而不敬貧。聖道如天。但

周急而不繼富所召飢者易食故一飯而感千金之
醕渴者易飲故壺漿而致扶輪之報此但有情人事
尚乃感報如斯何況無爲福田功惠豈可思議者乎
茲者高州之北神龍之南崇山插漢峻嶺橫霄爲解
外之咽喉迺羅笏之門戶當季客旅車軌不得並行
今日經商足迹焉能獨往誠名利之畏途實盜賊之
淵藪所賴嘉隆之歲已後王師破賊以來變險道而
爲坦道易頑風而嚮皇風雖往來有跋涉之勞且
進止無豺狼之戒第以炎方赤徼瘴厲煙嵐加以以
毒氣蒸蒸又值溫泉滾滾以致天涯行客如蹈火而

赴湯遠戍，征人若鎔焚而履，鑊摩肩接踵，聊乘袂以成雲。陟巘攀林，誠揮汗而若雨；脣乾舌燥，思勺水如大旱之望雲霓。咽餒腸枯，得涓滴若消渴而飲甘露。況百里而傳一舍，窮日而得半食。僕夫汗血，輿馬沾濡。舉目無親，此苦莫告。斯皆貪名逐利，見得忘形。祇知拈土作金，誰解拋甄引玉。況夫邊地下賤，及茂炭車俗好鬼，而尚淫祠。民輕生而喜殺盜，雖尺布斗粟而取於人，豈粒米文錢而樂施於己。此其菩提種子，轉見焦枯。善根萌芽，日嘆腐敗。是故惡者愈惡，而貧者愈貧。逃轉積逃，而化夏難化。比者幸逢當道諸大

宰官博愛施仁，溘人利物，以斯道而覺斯民，繼往聖而開來學，勑浮屠於羗邑，樹最勝之法幢，建赤幟於祇園，作難思之佛事，可謂不世之舟航，迷津之寶筏者也。山僧某因弘法而罹難蒙，恩遣於雷陽，投萬里之遐荒，乃荷戈於電白，爰登苦藤之嶺，渴乏高原，因思甘露之漿，低回險道，偶見苾芻二衆，築室道旁，乃持香茗一盃，壽恭馬首，某也欣狀，飲泣愴爾，興悲誰知瘴癘之鄉，偶值天台之伴，卽稍憩於林間，遂勒銘于石上。比時有茶菴，銘書之于壁。由是發願，願於此地大建精藍，將卽事以明心，欲藉茶而演法，自爾歲月云徂，倏

經二載乃於戊戌之夏遇高州司理萬公邂逅仙羊
之城對談靈鷲之緒言及至此大嘆奇哉遂乞爲護
法之津梁敢請作慈悲之檀越期重建其化城引衆
歸於寶所且欲就穢邦而變淨土將瓦石以易艸茅
縱不勞金碧交輝亦要使法食兼溘但念功非一力
必須緣結多人是以敬修短疏普告十方託善男
稽首貴官問訊長者經商客旅士宦高人伏願發
廣大心作難遭想且人人是佛只要自肯承當法法
皆真何物而非布施不拘多寡無論精麤墜露可以
添流輕壘而能足嶽雖權設門外三車假名引導使

直透向上一路實是慈悲但能打破慳囊頓見莊嚴
佛土往者過而來者息聊進一盂趙老盞中汎輝輝
之白雪渴者飲而飢者飡強吞七碗盧仝腋下起習
習之清風除熱惱而得清涼解疲勞而消困頓且以
法水而澆菩提之種增長靈苗將善根而栽般若之
田克成聖果從此襟懷灑落去住翛然可謂極樂之
道場名爲懽喜之佛事布慈風之浩蕩埽盡瘴澥之
嵐煙懸佛日之圓明炤破昏衢之幻夢使闍提之輩
消除殺盜之邪淫蔑戾之儔不墮羅刹之鬼國一人
善而多人善善滿邊邦一家安而大家安安攘澥宇

同躋仁壽之鄉共覩熙皞之化以斯功懃祝聖壽
以無疆將此身心疇君恩之罔極福非虛設事豈
妄談惟願贊成無勞顧佇謹疏萬曆戊戌仲秋朔旦
書于仙城之旅泊齋

重修南雄府太平橋普湓寺疏

伏以嶺表名區一綫引粵夷之命脈太平古渡飛虹
鎖百粵之咽喉寰中資旅何莫由斯解外珍奇必經
於此悲夫迷津浩劫寶筏誰憑苦澥狂瀾慈舟可渡
恭惟太平鎮橋普湓寺者勅規往代事仰葺修面迎
凌水儼舍衛之恆河背負梅魁宛迦維之祇樹搯南

解之源頭據雄關之勝概誠終古之津梁實長途之
利涉也但以日來月往雨薄風殘世異時遷梁摧棟
腐幻等易謝陽燄難留使三寶闕而不彰衆心歸而
靡託今者幸逢仁人在位欲革故而鼎新君子存心
將救偏而補弊山僧某敢執鐸以揚聲士庶高人冀
承風而接響惟其人性皆善必待感而遂通狀雖佛
化有緣豈不求而自應是以敬持短疏普告十方伏
望富貴者竭力用疇蒞世之恩貧賤者施工希植未
來之果但願慳囊破處金剛種子露光明愛水乾時
般若舟航登彼岸不拘過往無論經商菩提種個個

圓成極樂國人人可到休言福比河沙且喜心歸寶
所功超有漏惠載無疆祝 聖壽於河山播流光於
日月普願霜露所降咸服慈風舟車所通齊瞻慧日
如斯利益贊莫能窮詩註芳名冀垂不朽

重建祇園寺疏

伏以十方世界處處盡是道場具眼者能見八萬塵
勞種種無非佛事逢心者自知況有布金之規範遵
爲古佛家風嘗思畱帶之嘉謨正是宰官令則但以
事隨機會道假人弘時節難逢良緣偶合茲者祇園
古刹剏自唐朝誌載分明尊崇典祝恨山靈之不守

倏墮荆蓐仗護法之有知忽開茅塞向遭五逆之子
佛祖幾以無依今賴三尺之天神人卒而有託但以
殿宇傾頽金像淒淒風雨香燈泯沒梵音宋宋朝昏
山僧如鑑偶來乞食挂錫凌江開精舍于恆河敞竹
林虧負郭但虞大厦非一木之可成必假高賢合衆
力而易舉拈寸艸而作梵刹自是天帝之爐錘剖微
塵而出經卷除非晉賢之作略伏望共出手眼各賭
神通聚少成多由小至大直使鬼神輸運不讓須彌
頓見金碧交輝宛成淨土轉變隨心受用在已感報
以此爲徵功惠共垂不朽

湖心寺重建放生普願成佛增疏

佛大慈悲普度十方盡法界眾生悉皆成佛故曰如
一眾生未成佛者誓不取菩提此佛度生之願也般
若云度無量無數無邊眾生俱得滅度實無有一眾
生得滅度者此眾生成佛之實證也古今修行願成
佛者多而現在度無邊之眾生者少以各各作念待
成佛後方纔度生殊不知卽今現在能以佛心而度
眾生者乃真成佛之妙行也廣度眾生之行無踰放
生一門在晉天台大師次則永明大師嘗爲吏時將
官錢買生放以致不歿此目苒衆人皆知者自後至

今唯雲棲大師能效二師之行其鹵湖古爲放生池
今但濬三潭築隄作池取多分之一耳且鹵湖從晉
以來爲歌舞地實酒池肉林之所今湖中有此三池
所放衆生克滿其中是從業解中變出極樂佛國也
而樓船歌舞過其池者曾不返省一觀是猶狀醉夢
中也一心淨穢苦樂以之如唯與阿相去幾何哉其
池有湖心寺寺有三搶寺已建搶未造隄未能防水
也予隨喜池上讚嘆玄津法師之慈悲慨其功未底
續大有感焉歸疲臥夢行隄上其沙襯足粒粒方面
皆有佛字比隨行者不敢措足予曰爾等知大地是

佛無下足處此正是汝修行時也因諭衆曰若聚此沙爲佛塿則施者與所施共登極樂淨土矣覺而思之遂發普度之想謂彼所放之生願彼脫苦成佛也且彼蠢蠢以佛視之況現在人人最靈最明者豈可以衆生視之乎何不願目毒易度之衆生先作成佛之想以衆多之願度彼多多之衆生如是不唯所度更廣以合衆心守此池則所守益堅如此行願豈非心佛衆生等無差別之觀乎故設普化之方人施十錢一錢念佛百聲合衆心於一佛集多人成三塿所施者小所成者大是爲福聚功惠之漸此則以沙數

之佛度沙數之衆生其力更大豈不爲最勝之佛事乎若由此而興起意將來盡此湖爲蓮池則此方衆生無論富貴貧賤一齊同生極樂佛土矣豈不爲妙行哉

重修龍弩寺疏

古杭山水靈秀有宋建刹星列鐘鼓相聳而龍弩居南屏之鹵南蓋梁朝傅大士開剏千餘年矣司馬溫公嘗有祠於此今皆廢矣其地不唯居山水之勝而爲普陀天台之要衝十方雲遊必過之所惟錢塘剎竿相望求行脚息肩之地不易有也葺伏牛三空和

尚至而愍焉。江干居士洪雲泉延之於此。初未成而集者常滿。居頃尋罷。禪者廣坤發廣大心志願興建。爲接待道場。丁巳春予偶過此。見佛像微妙莊嚴。重生渴仰徘徊形勢。背御寨而面錢塘。最勝處也。十方行脚至此。正力倦神疲。求一暫息而不可得。苟獲住足安身。滴水露屑如灌醍醐。而飲甘露。結此功惠。最勝緣也。且見禪人慈悲慨切。一時發心善男等各各踊躍。乃最勝因也。但寺功大而費鉅。日月長而衆多。若非廣大檀那作難思佛事。未易滿禪者之本願也。予感而讚仰。爲之開導。凡宰官長者居士善男女等。

果能發希有心生難遭想割破慳囊莊嚴佛土是以
不堅之財作不朽之業卽捐身捨宅而龍神守之萬
世不絕較之塵世之業千奉田地八百主人者何啻
天壤哉況作淨土之因緣成當來之佛種冀彌勒下
生龍等三會中爲上首眷屬豈不爲出世第一最勝
功惠哉以人人有佛性各各具夙因定見今日之緣
不肖當面錯過豈忍寶山赤手歸乎是在諸有智者
頓發無量歡喜悋著勇猛之力耳

刺血和金書等嚴經發願文

稽首遍法界十方及三際蓮等妙莊嚴清淨微塵刹

大覺無上尊分身徧一切演說清淨澥圓滿修多羅
性相了義詮離諸文字相七處九會中文殊諸大士
刹塵數知識清淨賢僧衆我今布三業敬禮畢竟空
惟以無緣慈炤我真實願念我無始來流浪諸生歎
屢轉處苦趣猶太旋火輪捨身與受身不可思議數
所作諸惡業唯佛自知見今承三寶力儻來人數中
六根賴完具心識多闇冥以宿微善根早出恩愛海
猶入俗稠林如避溺投火內假善力熏心心願遠離
外得法雨潤忽生清淨芽塵習熾盛故時復見乾枯
良哉大善友與我如天授以此大因緣得出離熱惱

同歸清涼界，覲禮曼室尊。樂住阿練若，最深宗靜處。
心想如猿猴，轉見攀緣相。船若力微弱，難敵生歛軍。
以是因緣故，見行諸事行。稽首蓮華藏，圓妙最上乘。
誓發皈敬心，盡形頂戴受。曾聞普賢行，廣大不思議。
六種受持中，書寫爲第一。骨筆血爲墨，經於微塵劫。
積累如是經量等大千界，我聞如是願，難可與等倫。
但取血爲墨，與金共和合。書寫大經卷，一字法門澥。
以此殊勝因，苦澥爲舟楫。願我此身血，滴滴稱法性。
融入華藏澥，普閏衆生界。我以手書持，點畫心自在。
願此虛幻身，恆得金剛體。身似紫金山，端嚴最無比。

聞名及見形心性大喜悅手如大寶聚恆出世歆財
七寶及四事種種皆克滿十方法界中所有諸衆生
貧窮及病苦所求皆如意願我成佛時國中極清淨
純一上乘人無諸惡道苦恆演此法輪極盡塵界劫
我生末法中信心力微少恆與癡蓋俱難逃生灰業
善根未成熟儻落輪回中仗此殊勝因不墮諸惡趣
常生淨佛土不離三寶苒早悟自性空頓超諸有漏
凡所作所爲永離三毒障我以願力持直至未來際
願我此經卷三災不能壞彌勒將下生先從此經出
皆焰十方界六種大震動彌勒下生已初坐龍琴樹

此經從地出踊在虛空中字字出妙音說我本所願
天人百萬衆咸稱帝有事我時在會中爲演真實義
佛佛出世間最初三七日咸演大等嚴我當機第一
我身雖幻妄從父母所生依此虛妄根作成真實事
願父如淨梵母如耶夫人諸佛下生時依我父母出
師長度脫我法恩最上尊願諸佛會下我師爲導師
我友最誠諦提挈行正道願友如文殊作第一知識
檀那大信力廣施大歡財願此諸智人永離慳愛苦
諸佛出興世最初請說法不惜身命財廣修衆善業
我作如是行仗諸執持者願此諸賢聖生生常不離

隨在何佛國共興揚佛法凡諸見聞者讚嘆及稱揚
繼悉善因緣同歸等藏解我發如是願廣大不可窮
極盡未來時究竟心圓滿

放生文

生自生矣何以放爲又何以放生爲佛事耶裴休有
言曰血氣之屬必有知凡有知者必同體故曰蠢動
含靈皆有佛性以性卽佛故殺生者卽爲殺佛非曰
殺佛謂殺生者無慈悲心卽爲斷佛種性矣狀彼蠢
蠢之生將謂可殺殊不知自己本有明明佛性豈可
斷耶以不殺之心慈悲心也慈卽名仁悲卽不忍不

忍之心仁之端也故見生不忍見死聳聲不忍食肉
聖賢之普唱奚獨佛氏哉儒以素位故但遠庖廚佛
以平等行慈故普及一切第放生者有執相忘相之
差而効之者不無放生殺生之弊故法重忘相妙在
隨緣宗本無住功嫌有漏果能遇緣卽宗則觸目生
機逢場佛事物物頭頭皆喜捨之門念念心心盡慈
悲之境又何必拘會約以執功勛設限期以嚴規則
哉明禪人久含此願願以此行之則慈悲日溥化境
日寬持之十季當有無量童子而作供養復何疑哉

祭陸太宰五臺居士文

嗚呼受靈山之密囑來濁世以利生其來也不來故
不露本來之面目卽其去也不去唯留生鐵之心腸
八十餘年逢場作戲恒沙妙息遇佛卽宗以佛心而
事君惟君爲佛以真心而愛物惟物卽真故生平向
上事不離幞頭角邊臨行末後句委付兒女子輩惟
公現宰官非宰官之身愧我作比丘非比丘之相狀
雖道路各別其實養家一般感公將行未行之際飛
半紙嶺南之書令我於空不空之中引一滴曹溪之
水作甘露之供獻灌頂之尊嗚呼平湖滿月觀清淨
之法身天樂盈空吐廣長之妙舌納斯法味用鑿蓬

心尚饗

祭大中丞順菴胡公文

嗚呼痛哉公其生耶歿耶反復求之而不得其故也
忽聳公訃適言公歿及讀公易箒詩則公明以不歿
告人而人不知唯我明明知公不歿言之而恐人之
莫我信也嗚呼悲哉顧我與公偶爾值於大化之中
三十餘季如一日蓋亦奇矣始而遇公於晉陽之野
一見而心莫逆驟爾語公以一禍福齊生歿時則公
已怡然有當亏心既而再柝我於清涼之山踟蹰於
千尺寒巖之下談笑於萬季積雪之中嚼堅冰而飡

榻榻浩劫一息時公已有登天撓霧之思超狀遐舉
之想矣第未知其祕也未幾余因訪公於雁門坐轅
門如處空谷連牀共被三月不違日夜發以緒言時
則公已了朕默契於心由是而知視軒冕如塵垢身
世如蝸翼也遂相期我於東澗之上滄朝霞而結樓
居已而公果以我脫塵鞅我則以公忘去就當是時
也與公遊戲於海印光中萬里長波皎朕一碧儼若
臨寶鏡而履琉璃坐蓮萼而居淨土不知此身之在
天地外物之在此身其樂殊未央也俄爾天帝怒我
以輕鑿混沌敝樸澆淳乃罰我於九歿放我於瘴鄉

時與公永訣矣。公以我爲必死，將託楚些以招之。忽爾十季，如一息時。時知公思我，結想於寒雲。哭我積淚如長河，而殊不知我之與公。遨遊如宿旻，居朕睂睫寤寐無間於毫髮也。嗚呼悲哉！是歲五月，公禿尺紕，慰我於萬里。我遣侍者訊公於七月。我樂懷公詩，則曰：酷似維摩病裏身。書至而公已示疾矣。公把我書，誦我詩。時公在口，期月而逝。是我慰公以生平，公永訣我如對面。斯亦奇矣。我替設公，不若公今設我也。使我思公，哭公豈不若公之思我，哭我耶？公之生也不偶，朕負高明之見，抱不世之才，忠在社稷，心在

蒼生公之世有盡而才未盡形化而心不化也如公之臨終詩曰靈根常芴月粲明以此觀之視死生如疾旦千古如一日也惟公神遊太漠聽鈞天而居廣府侶飛仙而壽無極其視咎也如糞壤孰知公今之樂殊絕勝於疇咎耶公既樂矣余復何悲嗚呼哀哉尚饗

祭逢觀大師文

維萬曆四十四年歲次丙辰十一月庚子朔越十有九日丙戌葍泮印沙門辱教惠清謹陳香積之供致祭於紫柏尊者逢觀大師之靈曰嗚呼惟師之生也

不生乘願力而來師之歿也不歿順解脫而去去來
不落常情生歿豈同世諦以師之住世也秉金剛心
踞堅固地三十餘季家常茶飯骨純鋼千七百則
陳爛葛藤鼻孔殘涕推倒彌勒釋迦不讓惠山臨濟
爲人極盡慈悲臨機絕無忌諱誓護法若惜眼睛求
大事如喪考妣不與世情和合便是真實行履晏坐
水月光中獨步空拳影裏初訪予於東澥也頓脫形
骸旣再晤於鹵山也投窮骨髓當予旣之未形也備
告以隱微及予難之旣發也將爲我以雪洗且齋宿
約於曹溪將扣關於帝里冒炎蒸於道路兮望影響

而進止乃設法以多方冀出予於九歎嗚呼師之爲法門也實抱程嬰杵臼之心師之爲知己也始非管鮑陳雷之比予荷皇仁之薄罰兮在師心猶未已予被放於嶺表兮師佇候於江沚一見悲歡而交集兮如九原之復起予與師作永訣兮甘爲炎方之厲鬼師囑予以寧志兮冀幽扃之再啓予揮涕以臨長路兮師執手含悲而不語維時關山一別兮日月若矢心知師之不我忘兮每丁寧其無以師以願力所持兮誓不負其本始乃歛太阿之光燄兮不願放於塵滓冀和璧之必信兮不憺隋珠之輕抵將扣君門

兮九重倏颺風兮四起陸解波騰龍蛇披靡玉石俱
焚法幢傾圯師登八道之康衢兮忽遇長蛇與封豕
皇天實鑒其衷腸兮唯見逞於庸鄙幸此心之一白
兮聊以發其蘊底師實曠朕何憂何喜逆順隨宜歟
生遊戲何夙負之相尋兮信苜緣之固爾悲五濁之
不堪直一行之可恃乃盥漱以趺坐兮遂宋朕而長
往矣嗚呼痛哉師旣不以旣患攷寧又何以公來爲
事擦手偃行全無議擬惟師以金剛爲心故畱不壞
之體有予弟子奉師以旋兮就雙徑以歸止予聳訃
以摧心兮望長安而殞涕欲親禮於龕室兮奈業繫

之羈縻擬生還以慰師靈兮忽星霜之踰紀匪此心
之暫安兮第因緣之不我與頃卒遂其本懷兮始得
陳虧而致誄嗚呼痛哉師何歿兮我何生我不來兮
師不寧形骸異兮共此心幽冥隔兮終合并誓同歸
兮踐澗盟宗光朗兮師安住我頂禮兮屢哀慕陳香
積兮灑甘露師臨機兮願來赴光明兮焰曜翹勤兮
延佇哀哉尚饗

祭雲棲大師文

嗚呼師本不生亦無所去以力持身順因緣故欲解
波騰火宅燄熾師屢願輪特來救滄出示塵勞早歸

慈父一登覺路如白牛步視愛如唾觀親若冤彼蠅聚者孰不瞿狀法界爲家含靈是宅物我等觀無二無別開甘露門指歸淨土鱗甲羽毛一齊頓赴悲正法眼翳彼戒根以金剛篋刮垢剔昏三千威儀八萬細行於二六時悉令清淨身爲衆目心爲大宅十方來者癡狂頓歇四十餘季法幢高豎一雨普滋藥草諸樹纒露一滴枝葉竝茂但有得者畢竟成就我觀吾師如獅子王高臥窟中群豕惛惶我又觀師如藥王樹凡有親者必瘳沈痼嗟我末法慧日久沈師於長夜持大智燈佛本無心心付在師薩埵無行行託

師持故師應世一味無我卽住百劫
何不可嗚呼師以緣現緣滅卽空悲此群盲失所依怙我數千里
遠持辦香爨布五體敬禮宗光師悲同體以我知音願鑒我誠來格來歆嗚呼尚饗

祭金竹續芳聯公文

嗚呼公秉願輪生堪忍界蚤遇明師頓離恩愛發堅
固心償慈悲債放身空山飢寒是耐敬守師訓躬身
負戴志供十方平等無礙齒荆棘以成叢林驅狐兔
而揚梵唄衲子雲臻天龍拱衛飯積如山來者飽飡
如量如空居者無外具精進力至老不懈一身如寄

毫無沾帶擬將攜手同歸何期先行不待撩起便行
何等慶慢遺金剛幢常住不壞法身湛然宗光自在
惟靈不昧鑒此感慨嗚呼哀哉尚饗

結社念佛修四十八願同生淨土文

伏以唯心淨土處處道場自性彌陀人人具足只爲
塵勞遮障人我是非故感土石諸山穢惡充滿使本
來清淨之體昧却當人圓滿智慧光明一毫不現終
朝業識茫茫逐日境風浩浩但知受用目毒誰解修
因身後故我樂邦教主阿彌陀佛因地發心厭斯堪
忍立四十八願願願度生修十六觀心心心作佛令

人人知心是佛。豈向外求。使個個了願。卽真盡歸自性。推倒人我之高山。感寶地一平如掌。打破塵勞之幻夢。生蓮華廣大如輪。我心清淨。彼土現成。休教過後追思。只在現前結果。不分男女。總證菩提。但是有緣。皆登寶地。但以天生彌勒。猶須授記。靈山自狀。釋迦也要莊嚴。佛土痛念。生居五濁。命不保於須臾。罪業多端。苦難逃於長劫。雖父慈子孝。只顧各人。兄弟愛弟。恭豈能相代。縱有富貴榮華。到底總成一夢。深思至此。實可悲酸。是以發願修因。必欲一生取辦。旣知諸行無常。豈可仍苒貪戀。已悟自心是佛。只須直下。

承當攬長河爲酥酪元在當人變大地作黃金寶由
自己伏望願心如佛卽是佛心因果皆真必成真果
發一願而四生九有同出苦輪施一滴而八難三途
通歸樂土等開見佛如母子之馨香妄盡還源似冰
霜之皎潔一心清淨萬惠交歸大地山河總成極樂
者矣

祭匡廬徹空師文

惟師之來也何事何爲惟師之去也何心何慮現比
丘身坐斷乾坤作師子吼驚走狐兔當奈我於清涼
也雲滿溪山復歸師之舊隱也月圓蓬戶尚把九曲

之珠擬待師而暗度何其一旦長行哀音忽訃嗚呼
使我有口難開含冤莫訴以其同生而不同歿同歸
而不同住賴有匡廬山高法身徧覆彭湖水清三昧
昭著狀雖倒却刹竿且牽扶起露柱頓令五老長呼
千峰率舞白鹿悲風黃龍泣雨愈卷恆舒欲隱彌露
是則可贊而不可歎可笑而不可哭嗚呼師且暫休
聽末後句打破宗光掀翻淨土再來撞著惡辣關梨
拖住定不放師歸去惟靈尚饗

對曾九龍居士靈幃小叅文

萬曆三十六年五月廿六日當曾居士五七之辰同

社友各擎香作禮請憨山和尚爲居士小叅居士聽
麼佛說諸行無常是生滅法生滅滅已宗滅爲樂居
士會麼居士住世二十七季所作諸行正當作時是
無常耶作後是無常耶直至今日是無常耶若言今
日是無常則墮斷滅若言作後是無常則不待今日
若正當作時是無常則舉世皆無常矣何獨居士居
士會麼若了作是無常則無常無性誰爲生滅無生
滅者又何得而生歟居士了此則今日正受宗滅
樂時此則悲居士者皆生滅見也

爲逢師茶毘舉火文

性火真空性空真火狹路相逢定沒處躲恭惟紫柏
尊者逢觀大和尚偶來人世誤落塵寰赤力力脫盡
娘生布衫光爍爍露出本來面目荷擔正法純剛煉
就肩頭徹底爲人生鐵鑄成肝膽死生路上直往直
來今事門頭半開半掩六十餘季松風水月襟懷千
七百則兔角龜毛拄杖饒他末後風流未免藏頭露
尾撇下賊私誰料落在憨山道人手中今日特爲人
天衆苜當陽拈出大衆還見麼以火把畫柱杖挑開
雙徑雲通身涌出光明藏珍重諸人著眼着者回始
信無遮障

慈山老人夢遊集卷二十五

侍者福善目錄

門人通炯編輯

嶺南弟子劉起相重較

楞嚴懸鏡

首楞嚴經懸鏡序

原夫首楞嚴經者乃諸佛之秘藏修行之妙門迷悟之根源真妄之大本而其所談直指一味清淨如來藏真心爲體蓋此心體本自靈明廓徹廣大虛寂平等如如絕諸名相聖凡一際生佛等同迷之則生死無端悟之則輪迴頓息是以吾佛證此愍物迷之故假大權發啟斯教大開修證之門曲示歸家之路是

以一部所詮從始洎終不出迷悟真妄二法然迷途
萬狀悟有多門若尅體窮源不無其要至若從迷至
悟之方返妄歸真之指端在楞嚴大定三觀妙門若
欲洞觀法界徹見自心覲體還源莫斯爲要慨夫文
詞簡奧義理幽深雖諸家註疏精暢發明而學者貪
程罔知捷徑致使理觀昧於陳言修習失於正受清
不揆固陋志嘗刻意斯文杜絕見聞窮歷冰雪頗習
識暗昧非敢妄擬聖心每於一線通途麤述鄙意庶
潛修之士若攬鏡以照形願卽事安心頓融藏性者
矣萬曆丙戌冬憨山頭陀德清書於東海那羅延窟

將通大義總啟二章

三分大義別具通議茲不繁列

初大開修證之門

從初啟請至結經名

次曲示迷悟差別

從精研七趣至五十重陰魔

初中略有四意

一示三觀之體

二示三觀之相

三示三觀之用

四結三觀之名

初開修證門中有四意者良以真源湛寂絕生滅之端法界幽玄泯聖凡之跡本無修證豈屬悟迷今依不迷之迷故立無修之修斯有無證之證矣蓋迷真逐妄遂沉生死之流今欲返妄歸真須建依真之行

而此經者蓋以一味清淨法界如來藏真心爲體依
此一心建立三觀依此三觀還證一心故曰無不從
此法界流無不還歸此法界是以阿難示同未悟不
達此心故一向多聞未得無漏不能頓拔生死之根
遂溺摩登婬舍之難由是殷勤啟請三觀妙門故我
世尊先示一心照明萬法而首告之曰一切衆生生
死相續皆由不知常住真心性淨明體又曰有三摩
提名大佛頂首楞嚴王具足萬行十方如來一門超
出妙莊嚴路觀此二語足見全經之旨豈非欲令先
悟一心依之建立三觀修此三觀還證一心者乎洎

乎一往所答雖多方決擇委曲搜揚無非顯示一心

之源密陳三觀之體

從初卷至四卷中

因之起行造修勾引

二十五聖旁通悟入之方勅選耳根正是最初方便

從四卷半至六卷初

是使初心創志則知觀相分明然後任運

一心法爾淺深具有斷惑證真高下之用

從七卷初至八卷中

修斷已極故結指觀門使始終一源不出楞嚴大定

故以經名而繫之終焉此實通途之大旨也

初示三觀之體而此體者所謂常住真心性淨明體

卽一眞法界如來藏心也先示此體爲所觀之境要

依此體啟大智用故然此藏心具有三意一空如來

藏二不空如來藏三空不空如來藏

一空如來藏者謂此藏性其體本空一法區得如摩
尼珠其體空淨了無色相雖有隨方之色色不離珠
以卽珠故真心本淨了絕妄緣雖有隨緣之妄妄不
離真以卽真故名曰真空故爲觀者先示真心以爲
觀體能觀此體名真空觀經名奢摩他亦名體真正此從經首阿
難啟請世尊許說曰有三摩提名大佛頂首楞嚴王
具足萬行十方如來一門超出妙莊嚴路起一徃七
徵八辯始則決擇真妄且云妄不是真以明五蘊身
心不有世界本空破我法二執以顯本覺真如以至

三科七大會歸藏性然後真妄和融方顯妄卽是真

從淺洎深大段總顯空如來藏理

從初卷啟請至第三卷終

二不空如來藏者謂此藏體雖空具有恒沙稱性功德包含融攝纖悉不遺如摩尼珠其體雖淨具有圓照之用而能隨方現一切色色卽是珠以珠現故藏性雖空而能隨緣顯現十界依正之相相卽是性以住起故名不真空故爲觀者示此藏性以爲觀體能觀此體名不空觀

經名三摩亦名方便隨緣止

此從富那執相難

性三種相續深寤生起之由委明循業發現之義總

顯不空之體

始從四卷初至本卷故發真如妙覺明性有半卷經文計一千五百餘言

三空不空如來藏謂此藏性其體清淨能應能現如
摩尼珠其體淨圓淨故非色以卽珠故圓故能應非
不色以卽色故非色非珠而此藏性其體淨圓淨故
非相以卽性故圓故能現非不相以卽相故非相非
性名空不空非相故空非性故不空非卽非離平等
如如名曰中道故爲觀者示此藏性以爲觀體能觀
此體名中道觀經名禪那亦名離二邊分別止亦名
等持此從四卷中而如來藏非心等
起至卽常樂我淨等
文有二章幾三百言然上三諦體雖不二舉一卽三
終帶名言猶存歷別未及一心之源難契圓融之旨
必若離卽離非是卽非卽則藏心妙性徹底窮源絕

諸對待良以雙離則雙泯雙是則雙存存則三諦靈然泯則一心無寄寂照同時存泯無礙唯在忘言者可以神會絕慮者可以心通可謂妙契寰中泯同法界矣圓融圓融深思深思歷然不昧故佛開示已畢乃總告之曰上來所說藏性之理如此深妙如何汝等以所知心而能測度世間語言而能入哉且此妙理人人本具然雖本具隱而未現譬如琴瑟雖有妙音非妙指不能發衆生雖具妙心非妙觀不能顯且如我今證此真心安住大宅圓照法界凡有動作皆是現前汝等迷之舉措云爲皆是塵勞業用故

曰如我按指海印發光汝暫舉心塵勞先起此無他
故蓋由不肖勤求得少爲足耳當機遂請何因有妄
要顯妄元無因使悟妄不離真亦似頭非外得然此
天然妙性不假修成但能一念回光方悟神珠本有
故隨結責戲論切勸修持乃曰汝雖憶持十二部經
不如一日修無漏業如何自欺尚留觀聽而不修之
是以阿難聞說疑惑消除心悟實相遂乃請入華屋
攝伏攀緣冀得陀羅入佛知見等由是觀之大槩一
往開示藏性豈非欲令先悟一心依之建立三觀妙
行然後行成解絕頓證一心者乎

初示觀體屬見道分竟

二示三觀之相者由前開示一真法界如來藏心而此心體具有廣大智慧光明義故說名爲智今以卽體之智還照寂滅之體理智一如離念離相名一心源了無說示今約真妄生滅之門會取返妄歸真之路方便施設亦有三重以智照理故單以觀名約妄相以明故曰觀相

且先略示觀門

一奢摩他空觀

二三摩鉢提不空觀

三禪那中道觀

一奢摩陀名空觀者謂了一真法界如來藏心本無
生滅亦無諸相益因一念不覺而有無明因此無明
生起三細六麤四大六根種種諸法而此諸法皆心
所現本無所有但是一心心體圓明離一切相如珠
中色本來不有以卽空故故曰色卽是空以色非色
故色不異空故名真空作是觀者名真空觀

二三摩鉢提名不空觀者謂了根身器界一切諸法
既是一心心體圓明清淨本然周徧法界隨緣顯現
此則諸法當體虛假如幻不實如珠中色分明顯現
全珠卽色以卽色故故曰空卽是色以空非空故空

不異色故名不空作是觀者名不空觀

三禪那名中道觀者謂依此寂滅一心照明諸法諸法法爾當體寂滅寂故名空照故不空如珠與色非色非珠名空不空非寂非照如如平等唯一心源湛然不動離卽離非是卽非卽言語道斷心行處滅心心無間任運流入薩婆若海作是觀者名中道觀

次正示觀相文中大科爲四

初總示迷悟之根 二正示一心三觀之相

三略示解結之方 四廣示最初方便

初總示迷悟之根者由前阿難聞佛開示已悟和來

藏性妙覺明心圓滿周徧備在於已不假外求良以
一向徒事攀緣不能攝伏今將息而修之不知造進
之方故有請入華屋之問冀得直捷之門即可乘便
而入因相而修故此科名三觀之相然世尊所示別
無其方先令決擇真妄分明然後隨宜調治故欲返
妄歸真造端不出二決定義意者蓋原迷此圓明湛
寂之真心結爲四大妄分六根根塵和合虛妄生滅
引起五濁業用煩惱使妙圓之體隔越而不通若群
器叅乎太虛湛淵之心渾濁而失照似塵沙投於清
水此則本不分而分元不濁而濁矣今欲卽生滅以

證真常旋虛妄而復妙覺要先以此不生滅心爲本
修因照破生滅之原次審所結之根誰是煩惱之本
若生滅入照則當下真常若煩惱知根則迎刃而解
斯則能照之一心心寂滅所照之萬法法法圓通
是以頓超五濁旋復一元若依此爲因心可圓成於
果證然則所述之一心雖是本圓周徧能迷之六根
現前力用不齊今若卽迷返悟就路還家固爾門門
皆可窺源處處盡堪合轍良以初心昧劣不解圓觀
必須直指當陽要在一門深入由是備顯六根優劣
令審誰淺誰深淺則逆離而難通深則順合而易入

果能入一無妄則六湛圓明諸妄消忘而一心清淨如是則吾家之故物可歸諸佛之涅槃可證矣此後重徵一六意顯粘湛而妄發深窮生滅之根元再起斷見之疑驗出真常之妙性斯已密揀耳根以爲初心方便若一心守真常而棄生滅則無上知覺應念圓成得一旦常光顯現而生滅圓離則根塵識心應時消落此實圓觀之秘訣破妄之神符還元之旨妙在茲乎是所謂返妄歸真無出二決定義也二正示一心三觀之相阿難聞前第二義門生滅卽常之說遂起何名結解之疑意謂生滅不常可說爲

結今既常矣將何物而名結結既尚無從何物而名解耶蓋前以常爲斷此則執妄爲真皆由不了迷悟同根真妄一體故致斯問此實初心所混故須甄明令其觀相分明不墮空有之見要顯中道之旨方契一心之源故爾諸佛因而同告之曰使汝生死涅槃者皆汝六根所致也豈又更容他物哉直由迷悟之分故有結解之異耳如此明言當機猶自未悟世尊因而解之曰根塵識性同一真源縛脫兩途元無二致蓋因迷一真而妄見六根知見立知卽名生死了六根而本同一體知見無見斯卽涅槃此實結解之

元豈可更容他物然此雖明空有未極一心何則蓋
一真之性不屬生死涅槃如來藏中本無去來迷悟
至若有爲起而無爲滅俱是緣生如目前之幻化無
爲起而有爲滅盡爲不實若眼底之空花況非真與
非真何有能見所見能見六根
所見六塵然而根塵之間元無
實體虛有其相故若交蘆是以結解同根聖凡無二
汝試但觀交中識性卽第八阿
黎耶識空有何名蓋由明昧
因依真妄互立迷之而六妄同生悟之而一真何寄
良由此體甚深微細熏變難思執之則真已非真取
之則非幻成幻苟不取而非幻尚無不執而幻法何

立如是則六根圓湛空有雙祛三諦圓觀是非齊泯
妙圓之旨盡在茲乎此則是名金剛三昧如幻摩提
修之而一念頓超擬之而諸佛同證此所謂十方婆
伽梵一路涅槃槩門若欲徑登彼岸直造妙嚴唯此大
定法門故應修而證入也

三略示解結之方

上來已示一心三觀之相乃佛佛成道之門今將思
而修之爭奈初心不知直捷之方故有六解一亡之
問遠啟選擇之談故我世尊精宣妙指巧示玄機聊
綰花巾將成六結以明依一巾而有六結結若解而

巾亦不存要顯依一真而分六妄妄若消而真亦不立何則良以真淨界中本無此事生死涅槃皆卽狂勞顛倒華相故須真妄兩忘方可會歸中道直造一心之源耳故隨請解結之方審明下手之處除結當心以顯二邊無力當陽直入必須中道收功斯實入圓之要術破惑之利具唯其法門甚深恐難諦信世尊因而矢之曰我此說者乃出世微妙之因緣非世俗和合之麤相況我世出世法一一皆了元因矧此修行豈不知其節要如此功用不勞彈指而頓證無生不涉途程而徑登佛地是故阿難隨汝心中選擇

憑在何根用此妙術解之諸妄何愁不滅恐汝不能
圓觀頓脫是須次第銷鎔先且選擇一根以爲最初
方便若得此根初解五粘隨脫而先得人空從此觀
智增明然後成法解脫若所觀人法雙空則能空觀
智亦泯斯實藥病俱遣真俗兩融三諦靈然一心無
寄如斯圓照任運冥樞是名從三昧以契無生卽六
根而證常樂直捷之指無尚此矣初心方便妙在茲
乎

四廣示最初方便

二十五聖一一皆是最初方便但觀音耳根一門堪合此

方之機故曰廣示

阿難聞前開示觀相分明已悟隨根皆可證人然猶不知隨處下手做作之方抑又未達約指何根堪作此界當機最初方便且將刻志進修冀成遵具法不失此嘉會辜負密言亦爲遠益未來成就最後開示故有請惠秘嚴之問然此秘嚴之旨乃吾佛自證根本法門甚深微妙難解難思果海離言了無說示今茲曲垂指示須藉旁通故假二十五聖各說最初方便意顯三科七大隨處皆可還源大小三乘遠近一齊趣入且令諦信不疑托此將爲證據是以諸聖奉勅用解先登或析色體色以取單真或卽俗離俗要

歸中道偏圓互煥。星月交羅。深淺齊驅。牛羊共渡。斯則門門總是圓通。法法盡成解脫。苟能入此三昧。證是妙門。隨處而常。光普照。應念而諸佛現。前水流風動。共演圓音。世界山河。普現三昧。至此始知自他不二。依正互融。消習漏於刹那。廓衆塵於一念。無作之行。芬披真常之樂。自現然此秘嚴。稱器付之勇猛丈夫。有何堅而不破。又何結而不解哉。然雖正偏兼到。順逆皆通。不知此界當根。誰爲要妙。若是塵中作主。非大智無以潛眸。鬧裏奪尊。非大悲不能下手。故勃文殊揀選。誰合此方之機。唯獨觀音耳根可作最初。

方便何則原夫覺海澄圓圓澄元妙本無世界及與衆生直以一念纔興空漚頓起諸緣不息三有齊生是以六處妄分諸塵妄隔使圓通妙體不得而圓通常住真心莫得而常住矣若約妄法全真斯則歸元之性不二奈何根機不一是以方便之路多門在乎聖性順逆皆通屬之初心不無遲速今者若就六塵而入六塵之體本非常住若依五根而入五根之性匪涉圓融若憑六識而六識生滅宛然若假五大而五大無知昏鈍若據見性雖則都攝六根然尚在能所未能忘照若觀識性雖則包含萬法猶存分別難

以契真今若剋合此方教體的示機宜速取三摩實
從聞入何者良以聞根圓妙十處周聞聞處虛融墻
垣莫隔音聲生滅聞性恒常寤寐一如身心不及此
則可由聞性以證真常從耳根而入妙覺矣況復此
界衆生此根最利投機之指莫尚於茲良由迷本循
聲故此流轉生死果能旋流無妄豈不頓契無生此
是金剛三昧如幻妙門如斯秘密絕要真修何不將
聞以自聞聞豈有畜聞而成過誤況聞非有體因聲
以名若旋妄遺塵則性何名狀此所以一根既返源
六根成解脫也其如六根幻翳三界空華今聞復而

翳除則塵消而覺淨淨極光達寂照舍虛根境皆空
猶如夢事安有夢中之境而能留汝形骸耶大槩世
間男女皆如幻以幻成雖見搖動全一機軸若機息
而幻消則情忘而執謝圓明妙體當下現前諸佛衆
生應時平等矣如斯妙利真實圓通何不旋倒妄之
聞機返自聞於真性以成無上之道哉此是微塵諸
佛一路妙門三世聖賢修行捷徑非但觀音獨擅我
亦從中證入是若將救末劫求出生死之人欲速成
就菩提無過耳根爲最斯乃大小共由之門淺深同
說之法但依此修超乘餘根真實心要莫斯爲妙者

矣於是當機聞說自心了然明見還家歸真道路斯則觀相分明現前無惑奈何未來未法邪道亂真其有依教信行之輩如何攝心軌則得正熏修安立道場遠諸魔事故發度人之請遠益未來之機通會長途猶屬行門之事然世尊所答別無其方直以毘奈耶中三決定義所謂攝心以戒定慧是生三者圓明可超諸漏然前見道明心已開慧性修道方便定相圓明至其戒爲基本尚未明言今若得正熏修須憑定慧若欲違制行業必稟戒輪且夫生死之海滔天始於濫觴之念煩惱之林翳日生於萌蘖之根今若

絕末停流端在塞源。根本戒雖多品，四重爲根。根本不生枝流，自絕。然而真修以離欲爲本，故先嫪欲首懲生死以寃負相牽，故次殺盜隨舉。妄言矜俗貪愛潛滋，委論酬償殺盜相若，爲其永殞善根不成。三昧故例屬重，尤是須併斷。若欲圓成修學，必先持此水清果能四事不遺，自然遠諸魔事，正行可成正定，可入然而現行易制，宿習難除，是須誦我無上佛頂心咒，此則顯密雙修，三慧竝運，庶幾三障可破，三惑可除，而三界可超，三身可證矣。況此神咒功力速疾，冥資但能依教加持，破惑如霜，遇日是以略陳軌則，令

依清淨之師若要詳悉壇場必使衆緣具足身心俱淨事理齊修庶指日以取菩提刻期而成聖果妙圓之行誠在斯矣歸真之要妙在茲乎是故宣揚神咒使衆咸聞廣顯功能策令諦信方盡修道之門統收妙圓之行耳

二示三觀之相屬修行分竟

三示三觀之用者上來所說觀相分明得倚圓根卽可乘便直捷而入依之造修任運一心法爾不無斷惑淺深證真高下之用是故阿難聞前顯密開示得正熏修身心快然獲大饒益然猶不知如是修證未

到涅槃始從凡夫終至佛地中間漸次名目以何而
至是故請問五十五位真菩提路要顯圓妙觀行有
此能斷能證之力用轉凡成聖之功能故名三觀之
用也然世尊所示先明二種顛倒妄類之因後示五
十五位真家之路所以然者何也良以妙性圓明真
源湛寂本無迷悟安有聖凡蓋由一念纔興則三有
之空華亂起寸心方歇則一真之幻影全消是所謂
生滅名妄迷之則生死無端滅妄名真悟之則輪迴
頓息然且生死界寬總之不一十二類涅槃道遠
要之不過五十五程實由迷一真而爲六想則二種

顛倒相因。悟六想而本一真。則二種轉依是號。是故汝今欲修三昧。直詣涅槃。先當識此顛倒之因。斯可圓成真三摩地。何則。良由迷真覺而成不覺。故號無明。遷無生而作衆生。是稱顛倒。此則本不生而生。斯有無生之衆生。本無住而住。故有無住之世界。是以迷輪不息。則生死之業何窮。妄念不休。則遷流之世何已。且既能以一念之迷。妄動而六想橫發。輪迴於十二類生。則可以一念之悟。無生而三觀齊修。證取於五十五位。由是觀之。則衆生實約四蘊之心。世界端指色蘊之質。此則全憑正報。以顯悟迷。總屬衆生。

以明真妄是所謂使汝流轉生死速證妙常皆汝六
根更非他物意此豈非知見立知卽無明本知見無
見斯卽涅槃者乎細尋大旨詎不信哉然全妄卽真
顛倒具於妙圓真心全真卽妄修證本於元所亂想
故三種漸次因之而建立五十五位由是而造趣何
也蓋六根相續端由婬殺爲因諸苦長淪直以盜妄
爲本今將長揖三界永越四生必痛絕助因使正性
剝而不發制止現行令根境偶而不行如是則根塵
泯合心境俱空身上皎然自佗圓證此則始從觀行
以至分真永斷無明而躋妙覺然重重觀察位位研

窮莫不皆以首楞大定三觀妙門單複圓修漸次證入者矣。三觀之用無尚此耳。一生取辦其在茲乎。修斷已極故結歸觀心以終其請。故曰是種種地皆以金剛觀察如幻十種深喻奢摩他中用諸如來毘婆舍那清淨修證漸次深入者也。

三示三觀之用屬證果分竟

四結三觀之名者由前一往開示令其先悟妙圓心體依之建立圓妙行門藉此妙行圓修還證妙圓之體此則背塵合覺之行既終返妄歸真之路明矣故文殊請問經目意在結指觀名何者蓋約世諦而談

則明無得物之功是卽有名無實若就勝義而論則
理有當名之實斯卽有實有名良以上來所詮之義
若理行因果俱屬圓融然則能詮之文若教相名言
皆歸究竟由其理趣深玄故一言難盡偏圓互煥五
目方周意者前來開示要妙法門若剋體而名乃是
如來藏心一實相印海眼真經故名大佛頂薩怛多
鉢怛囉無上寶印十方如來清淨海眼若就用而言
則凡在有緣皆堪受度惑無不斷真無不寤故名救
護親因度脫阿難性比丘尼得菩提心入佛知見若
的指因果皆真則佛佛資成之始無非究竟指歸故

名如來密因修證了義若合論體用廣大因果同時則含染淨而不易自在難思具性德而無遺出生無量故名大方廣妙蓮華王十方佛母陀羅尼咒若據法身所演中道名言契之而頓紹佛家修之而不出大定故名灌頂章句諸菩薩萬行首楞嚴斯皆稱實以彰名隨德以立號要之不出一心統之不離三觀此所謂言雖請問經目意在結指觀名是則教理行果皆歸大定之源真妄悟迷總入如來藏心者矣大事因緣莫過於此開示悟入無尚茲乎

四結三觀之名竟

上來七軸半文通科判爲大開修證之門開此四章
良有所以顧初心草創誠昧細詳若論宏網略題大
要冀潛修之士同志高人先請熟讀經文然後安心
觀法覽斯文而通會忘言象以冥符願一旦常光顯
現使根塵識消則佛法身心皆爲餘事矧此妄識依
通豈非剩語者哉

已上大開修證之門竟

次曲示迷悟差別

上來開示一心真源已徹三觀妙旨大通迷悟之狀
悉陳凡聖之情盡矣然迷唯一念因情想亂發而取

七趣之升沉悟止一心因妄見橫生而取五陰之魔
擾故曰自心取自心非幻成幻法故我世尊真慈痛
發摘膽剌心精研七趣因情想而分內外多少之不
同詳辯陰魔約妄見而顯心觀淺深之不一所以然
者直欲吾人思地獄苦發菩提心知有涅槃不戀三
界嗟呼人者苟能執此金剛寶劍如幻定門斬愛根
於當下則三有之空華影滅世界平沉拔見刺於刹
那則一心之幻翳全消虛空粉碎直使纖塵不立一
念不存成佛果於今生消習漏於曠劫此所謂圓滿
菩提歸無所得矣如是信受如是奉持是真精進是

名真法供養可謂雄猛丈夫大自在安樂人也有何
恩而不報有何德而不酬耶不然則墮復墮矣豈不
痛哉